

**U G O V O R**  
**O MEĐUSOBNOJ POSLOVNOJ SARADNJI**

Zaključen u Sarajevu, dana \_\_\_\_\_ 2017. godine između:

1. **JU OŠ „Velešićki heroji“ Sarajevo**, ul. Velešići br. 2, ID broj 4200168760004, koju zastupa Jasna Nikšić, direktorica škole (u daljem tekstu: kupac)
2. **DIJAL „M“ d.o.o. Sarajevo**, ul. Zagrebačka br. 24/PR, PDV broj 4200364940002, kojeg zastupa Dina Marevac, direktor (u daljem tekstu: dobavljač)

**Član 1.**

**(Predmet ugovora)**

- (1) Predmet ovog ugovora je nabavka školskog namještaja (klupe i stolice) za potrebe kupca.
- (2) Kupac se obavezuje da će od dobavljača kupiti, a dobavljač se obavezuje da će kupcu isporučiti školski namještaj, a prema prethodnoj narudžbi dostavljenoj od strane kupca.

**Član 2.**

**(Isporuka i montaža)**

- (1) Isporuka školskog namještaja će se vršiti na adresu kupca, a nakon izvršene avansne uplate na račun dobavljača.
- (2) Dobavljač se obavezuje da će kupcu isporučiti robu za koju je registrovan, čiji kvalitet mora odgovarati važećim propisima o kvaliteti proizvoda u BiH za tu vrstu robe.

**Član 3.**

**(Rok isporuke)**

Rok isporuke na adresu kupca je 15 dana od dana prijema avansne uplate na račun dobavljača.

**Član 4.**

**(Plaćanje)**

- (1) Plaćanje će se vršiti avansno na žiroračun dobavljača.
- (2) Ukupna plaćanja dobavljaču bez PDV-a na temelju sklopljenog ugovora ne smiju prelaziti iznos od **6.000,00 KM** na godišnjem nivou.
- (3) Izvođač je dužan izdati fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena na usklađivanje.
- (4) Uslovi plaćanja i drugi uslovi koje dobavljač jednostrano unese u fakturu ne obavezuju kupca ni onda kada je fakturu primio, a nije joj prigovorio.

**Član 5.**

**(Obaveze kupca)**

Kupac je u obavezi preuzeti isporučeni namještaj neposredno po isporuci i na dogovorenom mjestu, kao i preduzeti sve potrebne radnje da bi isporuka bila moguća.

**Član 6.**

**(Odgovornost dobavljača)**

- (1) Dobavljač odgovara za materijalne nedostatke isporučene robe koju je ona imala u času isporuke kupcu, bez obzira na to da li mu je to bilo poznato.

- (2) Dobavljač odgovara i za one materijalne nedostatke koji se pojave nakon prelaza rizika na kupca ako su posljedica uzroka koji je postojao prije toga.
- (3) Do isporuke robe kupcu rizik slučajne propasti ili oštećenja snosi dobavljač, a s izvršenom isporukom rizik prelazi na kupca.

#### Član 7.

##### (Primjena Zakona o obligacionim odnosima)

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

#### Član 8.

##### (Rješavanje sporova)

Ugovorne strane saglasne su da će eventualne sporove u pogledu primjene odredaba ovog ugovora riješiti sporazumno, a ukoliko to ne bude moguće nadležan je Općinski sud u Sarajevu.

#### Član 9.

##### (Broj primjeraka)

Ovaj ugovor je sačinjen u 4 (četiri) istovjetna primjerka, od kojih svaka ugovorna strana zadržava po dva primjerka.

#### Član 10.

##### (Stupanje na snagu)

- (1) Ugovorne strane saglasne su da je u odredbama ovog ugovora sadržana njihova stvarna volja, te u znak prihvatanja prava i obaveza koja iz ugovora proizilaze ga potpisuju.
- (2) Ovaj ugovor stupa na snagu danom obostranog potpisivanja od strane ovlaštenih lica ugovornih strana.

Dobavljač:  
DIJAL "M" d.o.o.

*Dina Marević*, direktor

Broj: 03/02/2016

Sarajevo, 23.02 2017. godine

